

# Boccalini

Ausschnitte aus dem Programm 2008

Bim Schwiizer Fernseh s'weiss a jeda, sind a huffa schwuul  
do küssand Männer lieber Männer – schwul si isch halt cool,  
sött dä Vers vo üs morn in dr Tagesziitig stoh,  
betonand miar 3 boccalini, miar sind hetero.

Für a grossas Fescht möchtsch du Stadthalla ha,  
d'Stadt git si nit, jetzt frogsch bim Thomi Domenig a.  
Du nimmsch d'Ishalla, dia isch grösser und au heller,  
dr EHC dä spielt jo sowieso im Keller.

Bim Stadtbus kasch modern jetzt z'Billett lösa,  
gsiasch alti Fraua trucka, an alta Ma an ganz nervösa.  
Er tippt und truckt vom Bürgerheim bis hindara in da Sand,  
so fahrend Lüt ab 70 legal schwarz umanand.

D'Migros-Budget Linia isch sit Johra top,  
Coop mit Prix Garantie au das, das isch kei Flop.  
D'SP-Chur will dä Verkaufserfolg jetzt kopiara,  
und tuat für d'Stadtrotswahl as No-name Produkt portiera.

1 Glas ist gut – meh töfsch hüt nümma trinka,  
und tank am Rauchverbot törfsch d'Beiza nümme verstringga.  
Au wägam Ranza törfsch nit z'viel Fettigs mampfa.  
Jo, so blibsch fitt und kasch bis 66 krampfa.

Miar sind ir Bahnhofstross ganz friedlich go flaniera,  
ganz in grün zum mit da Striifa z'harmoniera.  
Hend dischkutiart was d in dera Zona als könnscht macha,  
as är doch tschent, wenn'd z'viert an Schieber do würsch jassa,  
nebam Kartenspiel hetsch au no gern an Kaffee us dr Tassa,  
doch muasch trotz Tempo 20 vorsichtig sii in dena Gassa,  
will weisch do muasch halt jedes Mol scho fescht ufpassa,  
wenn a Stadtbus rast do quer dur d'Menschamassa,  
dass er us luutar Fründschaft di nit tuat erfassa.

D'Bündner Schuala dia tüand Jeeda witer bringa,  
im Theaterspiel, im Kleischtera und au bim Singa,  
und wenn dr Lardi das Konzept tuat witer triiba,  
denn könnt denn d'Bündner Maturanda bald no schriiba.

Ä ä ä ä ä ä ä e\_\_\_\_\_e  
Dr Stoiber vu Bayern hets selber jetzt igseh,  
er will nümme länger uf sim Sessel kläba,  
vum Couchpin hoffen miar das schwär vergäba.

Blocher hinna, Blocher vorna bitte tüand entschuldiga,  
Blick und Consorta tüand dr Führar täglich huldiga,  
am 12. 12. isch dr Blocher wieder in aller Munde  
do schlot am 13. zum Glück seine letzte Stunde.

I bi dr Blocher Stöpheli, im ganze Land bekannt.  
Bi friehner vz'fletischt Bürschtli gseh, hit bin i a Querulant.  
Bi z'friede, wenn i z'Nacht chly Stroh, am Tag mys Schnäpsli ha,  
und wenn dr Herrgott Gsundheit git, trät i in 4 Jahr nomol a.

Dr Trachsel haut am Lardi eins an d'Ohra,  
dr Schmid dä tuat am Engler in dr Nasa umma bohra.  
so gsehsch dia 4 im graua Huus jetzt täglich wüata,  
und das will d'Evelin dia Buaba nüm kann hüata.

As Prada-Täschli und a Chiwauwa uf am Arm muasch ha,  
susch kusch du uf da Promipartys gär nit a.  
Z'neuschta Assecsoire vum Sarkozy heisst Carla Bruni,  
wenn er a huffa Glück het, ischs das au no im Juni

As Sturmgwehr ghört dahai ganz sicher nit in Kaschta,  
das tuat a jeda Wehrmaa seelisch schwär belaschta.  
Miar Boccalini gsiand das i – doch müasst ma denn für d'Manna,  
us jedar Schwiizer-Kuchi z'Wallholz au verbanna.

An guata Abgang macha, das isch immer wichtig.  
Miar hend as Vorbild gsuacht, denn kunnt das sicher richtig.  
Miar werdands wia dr Lardi macha und das goot a soo.  
3 Boccalini trinka und denn eifach goo.